

總長之諭請願書既經國會收受自須審查該公民等乃稍稍散去時迭接國務院大部文電飭囑迅即設法取締 炳湘以各區防範布置略定即親身馳往見其未散者尙有二三千人旋總理到院奉面諭立時解散等因當由 炳湘婉告該公民代表等今日時間迫促明日必可開會定副公民之美意該代表等似已首肯而一般公民要求過激羣擠門前叫囂不已忽有聲言用武者蠶擁奪門拋擲磚塊 炳湘默察情勢理喻既窮似非強力不可且人數已較前漸減或無他虞乃令強迫制止該公民等竟敢抗拒不服致毆傷軍警五十餘名幸軍警四面驅逐該公民等始一闕而散仍恐伏匿附近地方俟議員出院時復與爲難又令沿途散隊巡查近院各區加派守望被傷議員經檢察官到場檢驗至夜十二時各議員散會尙未有其他事故此當日之大概情形也除飭區嚴查滋事首要暨其中有無借公共團體肆行私人報復者再行送交法庭嚴辦外京師首都議院重地該公民等竟因請願而肆擾 炳湘身任地方負慚無似惟事起倉卒尙幸未釀事端或可少抒慮理合報告伏乞鈞鑒謹呈內務總長

京師警察廳總監吳炳湘

海軍總長程璧光呈 大總統遵核已故前鎮濤兵輪管帶程奎光查照定章擬請給

予一次卹金並殯殮費文

爲遵將已故前鎮濤兵輪管帶程奎光查照定章擬請給卹恭呈仰祈鈞鑒事本年五月二日承准國務院交代理廣東督軍譚浩明等呈前鎮濤兵輪管帶程奎光慘遭冤獄命斃家傾懇請昭雪一案奉 指令呈悉程奎光海軍軍官力卓著成績乃因跡涉嫌疑致罹法網殊堪矜憫著照海軍少將例給卹用示昭雪而慰幽魂交海軍部查照此令等因鈔交到部本部遵查已故前鎮濤兵輪管帶程奎光擬請暫依海軍贈卹令草案第十五條第四表乙項照少將戰時因公殞命例給予一次卹金八百元又查海軍給予令草案第二十二條內載凡海軍軍人陣亡屍骸失落時仍依表給予殯殮費等語查該管帶雖瘐死有年久經殯殮惟本條所載屍骸失落者尙准給予殯殮費該管帶死事甚慘擬請援例暫依海軍給予令草案第四表照上等官佐例給予殯殮費八百元以示昭雪而慰幽魂所有遵擬已故前鎮濤兵輪管帶程奎光照章給卹緣由理合恭呈具陳伏乞鑒核施行謹呈六年五月十一日已奉 指令